





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
355/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
355/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
355/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
355/A

CONSILIVM,

Oder

Käthliches
Gutachten.

Die jetzt schwebende vnd
under den Soldaten mehrers
theils grassirende Sucht be-
treffende.

Gestellet / durch

Jaymundum Minderer

Arzneij Doctorn / Fürstl:

Archl. inn Bayern Rath vnd Leiba-

Medicum / auch der Kays: Reichstatt Aug-

spurg bestellten Physi-

cum.

Getruckt im Jahr / 1620.
in Augspurg

Besten von 20. Aug.
Am 1744.

King's College am 20.
Febr 1746.

St. Michael's

St. Michael's

Dein Irtes



CONSILIVM,

Der Râth-

liches gutachtē/ die jetzt
schwebende/ gefährlich- ja gar
tödtliche Sucht/ so mehrertheils im
Lager vnder den Soldaten ins ge-
mein grassirt/ betreffende.

Diejenige gefährli-
che/ nunmehr bey ei-
nem Jahr lang vnder
den Soldaten/ vnn-
dem Kriegsläger bey-
erhanen Personen/ hefftig / vnn-
mit Verlust vnd Vndergang viler
menschen schwebende vnd umbgehende
Krankheit/ ist die rechte Hungaris-
che Sucht/ als sie vor Jahren in
den Türcken Kriegen vnd Zügen

Hungari-
sche Krank-
heit.

A 2

auch

auch vilfältig grassiert / vnnnd große
 se anzahl des Volcks hinweg ge-
 nommen hat / daher ich dann ver-
 meine / daß solche Sucht / von vne
 Teutschen den Namen bekommen
 habe / weiln sie gleichsamb erstmals
 in Hungarn entstanden ist. Vnd ist
 also meines erachtens dise Sucht ein
 rechte febris Hungarica formali-
 liter dicta, wie dann alle sympto-
 mata dero anfang / auffwachsen/
 mittel vnd endt / neben allen conco-
 mitantien, vnnnd vnder schidelichen
 zufällen / so sich darbey erzeigen vnd
 darmit einmischen / auch dero an-
 hängig seyn / augenscheinlich vnnnd
 handgreiflich erweisen vñ darthun.

Dise
 Sucht ist
 ein pesti-
 lēsisches
 böß Sie-
 ber / der
 gleichen
 in Hun-
 garn vor

Einmal / ist dise Sucht ein ver-
 gifttes pestilēsisches Fieber / so auch
 ganz erblich / vnd vnder die conta-
 gios Krankheiten billich zu zehlen.
 Dañ dz es ein pestilēsisches Fieber de-
 ren arten gleichwol vil sein seye /
 wirt ex violētia symptomatum,
 ex im-

Argnenbüchlein.

ex imperfectâ crisi, ex fallaci vri-
na iudicio, ex morbi perniciatâ,
& tergiversatione, auß betrügli-
cher artz/ vnd vnordenlichem gang
oder procediern leichtlich ermef-
sen / besonders weiln sich bey vilen
die Pedecken vnnd schwarze kleine
flecklein erzaigen / von vns Medicis
exanthemata genandt / bey etlichen
gar vibices sugillata, vnnd blawe
mähler / als ob sie vonn Gottes ge-
walt berüret weren worden / oder
als ob man sie mit brüglen geschla-
gen hette / mancherley farben / als
roth / blaw / purperbraun / Pley vnd
Leberfarb / so mit abschewen zusehen.
die Pedecken werden bey vilen vbera-
gangen / negligiert, vnnd nicht in
acht genossen / bey vilen aber schla-
gen sie nicht herauß / oder kommen
nicht herfür / weiln sie einweders
von keinem Antidoto oder wider-
gift herauß getriben werden / oder
aber wegen abgang der eusserlichen

3
Jahren
grassiert

Pedes-
cken.

Zinder-
haltung
der pe-
decken
schê Gles-
cken.

A 3

wärme

4 Argneybüchlein.

wärme sich hinderhalten/ vnnnd vor
kaltem luffte hinderhalten vnnnd zu
rueck getriben werden/ alda sie noch
wendigklich mit tödtlicher obach
das Herz mit irem oblag behölligen
vnd endtlichen vndertrucken.

Dise
Sucht ist
erblich.

Das auch dise Sucht Cont
gios vnnnd erblich seye/ erweiset d
leydige augenschein mehr als zuu
besonders an den jenigen orthten/ w
die Soldaten/ so schon das Giffte d
Krankheiten im Leib gehabt/ ein
quartiert worden seyn/ vnnnd weil
ihrer vil darunder erkranket vnn
ligerhafft worden / haben sie d
Bethgewand/ darinn sie gelegen i
ficiert/ also daß ob schon die Krank
Knecht mit Gottes hilff widerum
genesen seyn/ so seyn doch nach iren
Abzug die jenige/ so sich gemelte
Bethgewandes vor erluffterun
gebraucht/ gleichmessig vnd vil stär
ker inficiert worden.

Die infection aber oder contagi
on si

on so inn diser Sucht mitlauffe/
ist nicht so gefehrlich / auch bey wei-
tem nicht also wie in Peste zuschewen/
dann die Pestis behende vnd schnell
inficiert / dise Sucht aber hat ein
langsames lentum venenum, so
nicht so behende inficiert / auch nicht
so subtil / vnd penetratinsch ist / als
das jenige / so die Pestilens mit sich
föhret: danhero auch dise Kranck-
heit gemeinglich langwierig ist /
also daß die Patienten offemahls
kaum in 3. oder 4. Wochen der ge-
fahr ledig gezeht werden mögen / da
sie doch hernach zu ablainung der
kräncklichen anhangen / vnd hinder-
lassen symptomatum, auch wi-
derbringung der kräfte eben so
lang oder mehr zeit gebrauchen.

Langsa-
mes giffe
in diser
Sucht.

Dise
Kranck-
heit ge-
meing-
lich lä-
wierig.

Die anzeigen vnd Kennzei-
chen diser Sucht seyn gemeinglich
dise / erslich wirdt ein Mensch matt
vnd erschlagen in seinen Gliedern /
trawrig / schwermütig / vnd ver-

Zatzen
diser
Kranck-
heit.

droffen / verleurt den Appetit vnn
 Lust zum essen/ der Mund wird vn
 geschmach/ etlichen bitter/ bißweil
 kompt Frost vnd Scheuder / dann
 ein Nis darauß / werden vnlustig
 zum essen/ haben mehrertheils Kopf
 wehe/ welches/ ob es schon nit groß
 ist es doch/ als ob das Haupt ganz
 schwer/ drumbßlig / vnnnd dāmsch
 were/ quia dolor non est acutus,
 sed grauis & obtusus, ob pitui-
 tam putridam (quæ sese dilatat
 & extendit,) ibidem hærentem.
 Der Puls ist retract / vnd hinder
 sich gezogen / derowegen klein / vnd
 vngleich / als wie bey einem Melan-
 cholischem traurigen Menschen/ oder
 bey einem/ so in grosser forcht stehet/
 sintemal das Herz alda gefangen/
 der Harm ist bey etlichen trüb/ vnd
 dise bekommen gemeiniglich grosse
 Pein in dem Kopff / bey andern ist er
 etwas roth / sonst aber vnnnd schier
 mehrertheils dem Urin eines gesun-
 den

puls
 vnnnd
 Urin.

den Menschen an Farb vnd Gestalt
gleich. Ich zehle auch vnder die an-
zeigen diser Sucht diß / daß nemlich
die jenige/ so schon albereit
schwach vnd matt / vnd mit diser
Kranckheit vmbgeben seyn/ ihr an-
ligen nicht klagen wollen / sondern
gehen vber krafft vnd macht/ wollen
vil verrichtē/ da doch nichts darhin-
der ist / da sie auch von andern
Leuthen diß wegen beschrien / vnd
ermahnet werden / ihrer selbst aignē
gesundheit fürderlich zupflegen /
schlagen sie solches in wind / vnd
thut ihnen gleichsamb verschma-
hen/ daß man sie deßhalbē beschrie-
gehen also vmb so lang sie mögen/
biß sie endlich von großem gewalt
der Kranckheit/ so in diser procrastia-
tion vñ verweilung starcken Sueß
gesetzt/ gänzlich precipitirt vnd ni-
der geworffen werden / da dem eins
schleichende Gifte gar leichtlich/ ehe
es das Herz gar besessen/ vnd einge-

Sonder-
bare Ob-
seruation

Verwei-
lung sehr
schäd-
lich.

A 5 nom

nommen / hätte rath geschafft wer-
den mögen / selbiges mit widerstand
außzutreiben vnd nicht also einwur-
den zulassen. Eben dises ist in Peste
eine auß den fürnembsten vrsachen
warumb so vil sterben / weilen ihrer
vil ihr Kranckheit wegen der scham-
rötigkeit verbergen / vnd zu spat
anzeigen / vil aber ob lucrum ces-
sans, weilen ihnen Hauß vnd Läden
gesperret werden / die sach vnder-
drucken / setzen also jr Leben ehe dar /
ehe daß sie iacturam rei familiaris
ein zeitlang leiden / da ihnen doch
offt mit gar geringem zu anfang
hette mögen geholffen werden.

Großes
gewalt &
Kranck-
heit / so

Da nun in dier Sucht die Leute
auß nothgerungner weiß sich legen
müssen / so gemeiniglich meiner
rechnung nach / erst vmb das mittel
der Kranckheit / & circa statum
morbi geschicht / (dañ sie dise Suche
schon villeicht 8. oder 10. tag am
Hals gehabt / ehe sie sich zu Beth
geworfs

geworffen) alsdann nehmen alle
 (symptomata vnnnd Kränckliche
 zufall zu/ & morbus cum violen-
 tiâ ad vigorem tendit, alsdann
 kommen erst die grosse inquietudi-
 nes, daß sie nirgends bleiben wölle/
 sonder werffen sich hin vnd herunt/
 fangen an abreden vnnnd Fantastie-
 ren/ bekommen grosse deliria, vnnnd
 werden wahnwitzig/ auch bißweilen
 vngewehr/ daß man sie binden muß/
 damit sie nicht irgendes zu einem
 Fenster auß sich stürzen/ oder in ein
 Wasser springen/ oder sich selbst
 mit Waffen beschedigen vnnnd ver-
 lesen. Etliche schlaffen gar nichts/
 andere aber thun nichts als schlaf-
 fen/ vil stosset die Braiß an/ andere
 bekommen durchbruch/ vnd Rhuer/
 dann kommen die Pedecken herfür/
 vnnnd reisset die Breüne mit gewalt
 ein/ andere seyn sehr verstopffe/ etliche
 bluten auß der Nasen/ andere wer-
 den mit andern dergleichen zustän-
 den

sie vber
 handt
 nimbet

Allerhand
 vnder
 schiedliche
 zufall die
 ser Sucht

den / vnd gefährlichen zufällen
gegriffen.

Pro-
gnos-
tication
ist allhie
vngewiß

Von den signis prognostica
oder Wahrzeichen/ob ein Kranck-
er mit diser Sucht befaßet / ge-
sundt werden oder sterben solle / i-
nichts gewiß zu definirn oder auß-
zusprechen / weilen ein so infidu-
morbus infida indicia von sich
gibt / vnd vngetreue anzeigen / dar-
auff im wenigsten mit gewißheit
nicht zusuessen für augen stellet / al-
lein ist am meisten in diser Sucht
verdächtig / wann die Krancke be-
sonders inn dem Schlaff mit den
Zähnen starck auffeinander beissen/
also daß dieselbige rauschen vnd
knirschen / dann diß ein anzeigung
vnd vorbott ist einer Conuulsion
oder Trampf. Item ist auch böß/wann
sie zittern / mit den Armen zucken/
vnd daß die musculi sich immerdar
mit motu palpitante bewegen / vñ
der Puls wider springt / vnd motu
peri-

eristaltico resultirt, oder gar
 erborogen vnd schwach befunden
 wirdt/ oder formicanter & inter-
 ceptè sich dargibt / welliches eines
 überwundnen sterblichen Herzens
 Anzeigung ist. Das Nasenbluten
 auch in diser Sucht sehr verdent-
 lich / da es doch offter mahl in hizi-
 gen Kranckheiten bey wehrendem
 Kopffwehe ganz nutzlich ist / weilen
 es dz Haupt ringert vñ den Schmer-
 en beynebens hinweg nimbt. Ganz
 ödtlich aber ist / so die Pedecken
 erauß geschlagen seyn / widerumb
 druck gehn / vnd hinein schlagen/
 wann das Gifte alßdan von newem
 ins Herz mit doppeltem schaden
 innnimbt. Desgleichen seyn auch
 alle durchbrüch in diser Sucht
 ganz gefährlich vnd exitios, weilen
 selbige nicht Critici seyn / sonder
 violenti, vnd Symptomatici, so
 die Natur für sich selbst sehr schwä-
 chen / vnd abmatten / oder ein grosse

Tödtlich
 der
 Puls.

So die
 Pedecken
 hinein
 schlagen
 ist es
 Tödtlich.

Durch-
 brüch ge-
 fährlich.

CON-

Kalter
Schweis.

confusion oder conturbation der
Humoren im Leib bedeuten / etlich
kommen darvon / vnd vberwinden
es / vnd dise werden hernach ganz
gesund / vnd seyn von allem vnrat
gereinigt / bedürffen allein das man
ihne zu widerbringung ihrer Kräfte
ten verholffen seye. So der schweiß
kalt ist / vnd die Zähne mit etwas
schleim vberzogen / welcher an ihnen
erdrocknet vnd schwarz wirdt / oder
dunkelbraun / so ist meines erach-
tens kein hoffnung des Lebens mehr
vorhanden.

Die zeichen dieser
Krankheit
sind betrü-
g-
lich.

Sonsten ist in diser Krankheit
keinem guten zeichen im wenigsten
zutrauen / entgegen aber / ab keinem
bösen so gar zuerschrecken / weilen die
boshafftige Sucht nach keiner
ordnung / anderer gemeiner Fieber
sich regulirt, sondern tergiuerfan-
do als alle andere morbi maligni
& pestilentes sich verborgner /
heimbüchlicher / listigerweiß / mit
großem

grossem schaden der Kranken vnd
betrug der vmbständen / so den
Kranken aufwarten / bey den infi-
cirten Personen auffhält / vnd sich
in varias formas verkehrt / als da sie
Seitenstechen / verstopffung des
Harns / Brustwehe / dinge des
Athems / erbrechen des Magens /
vnd andere dergleichen zufall mit
sich bringt.

Vnd ob schon diese Krankheit
ganz schrecklich vnd abscheulich ist /
auch solche Symptomata vnd zu-
fall mit sich einführet daß einer ver-
mainen möchte / es hätten sich alle
Krankheiten sambtlich darbey zus-
samen gerasset / vnd miteinander
congregirt, oder versamblet / so
hat doch Gott der Allmächtig / sol-
che vnd so kräftige Medicamenta
hierzv verordnet / durch welche / da
sie recht gebrachte vñ administrirt
werden / solcher grausamen Sucht
so leichtlich offtemal durch ein gerina-

Diese
Krank-
heit ist
wol zu
curiren.

ges mittel abgetriben werden mag/
fürderliche hülff geschehen mag/
weillen dise Sucht offtmals eher als
ein Tertiania mag vberweltiget
werden / da man nur dem Giffe im
Herken keinen platz lasset.

Gifftig-
Fett auß
fäule.

Dann weillen dise Kranckheit auß
innerlicher versäulung des geblüts/
vñ anderer Humorn entstandē / dar-
auß ein gifftigkeit entsteher / an wel-
cher der ganken Kranckheit gewalt
gelegen / also ist diser gifftigen seüle/
vnd faulender Gifftigkeit / am ersten
zu widerstreben.

Ursachen
der in-
ner-
lichen
Seüle.

Dise Seülung entsteher auß den
verschloßnen Schweißlöchern / so
bißweilen von wärme des Tags er-
öffnet / Nachts aber wegen der Käl-
te des Nachtluffts widerumb ver-
schlossen werden / vnd was der Leib
des Tags von feuchtigkeit in sich ge-
zogen / das wirdt bey nachts im Leib
widerumb beschloßen / muß also da
es jannerlich erwarmet / in die Seü-
lung

ung gehn / vnd in den Adern / weilen
s keinen außfluß oder ventilation
nd erlüffterung hat / vbeinander
sticken.

Zu disem hat der heurige gewes
te Sommer / so sehr Feucht gewesen /
rosse vrsach gegeben / da dann der
hralte Hippocrates die Aukri-
nam & pluuiam coeli constitu-
tionem disen vnnnd dergleichen / ja
ndern Fiebern ins gemein grosse
rsach zumisset.

Feuchter
Sommer.

Nun aber ist vonn menniglich
ichlich vnnnd wol zuerachten / daß
an in einem gesambten vnnnd for-
nato exercitu nicht jedem ein ob-
ach schaffen kan / derowegen dann
in grosse Schar der Soldaten vn-
er freyem Himmel sich behelfen
müssen / vnd da sie des Tags biß auf
ie Haut durch Regen beneht / die
Nacht vber / in so kalter feuchte vrr-
ere müssen / weils sie noch zu druckne
ein / oder schlechte gelegenheit ha-
ben

Kälte er-
kältung
schwa-
chet den
Leib
aufs ens-
ferste.

W

ausser

ausser der Nacht seynen / so seyn si
auch mit andern Kleydern sich zu
mutiren / auß armut nicht fürscheren
Da dann ein Mann also inn der
feuchtheit / vnnnd kälte verharzen
muß / volget nothwendig / daß er nicht
allein sein stercke vnd krafft / sondern
auch sein Gesundheit verlieren muß
weiln er seiner natürlichen wärme
so hie vndertrückt wirt / durch auß
vonn aussen keinen beystandt leisten
kan.

Abgang
des Vi-
res alien.

So dann erst ein solcher Mann
nicht gebürliche ergekung vñ Speiß
vnd Tranc hat / sondern dessen ab-
gang erleiden vnnnd gedulden muß
alsdann seyn die vires vnnnd Leibs-
kräften gar hin / also daß sich der
Leib nicht wid die geringste Kranck-
heit / oder einigen dergleichen an-
lauff wehren kan / sondern muß sich
gleichsam demselben subiugieren
vnd gefangen geben. Es gibt auch
grosse vrsach zu dergleichen Such-
ten

ien die Vnordnung des lebens / da
die Soldaten einmal gar zuvil / an-
dermal gar zuwenig victualien ha-
ben. Item frembde / moſächte / pſü-
ſige / faule Waſſer / auch vngerau-
ner Luſt / ſo ſich neben böſer Diæt
nicht leichtlich laſſet vberwinden / zu
diſem helfen auch die Begräbnuſſen
der Verſtorbnē / ſo in ſolcher mänge
nicht tieff / ſondern ſeer ſeicht ſeyn /
alſo daß auch ſelbiger Todten
dampff in die Menſchen ſchlegt / vñ
ſelbige infizirn mag / weil ohne das
die corpora debilia ſolche vñ derg-
gleichen giftige Dampff leichtlich
empſahen / vñ in ſich ſchlucken / da
dann die Natur ſich von ſolcher in-
fection dergleichen Kranckheiten
nicht mehr wöhren / oder ſelbigen
widerſtreben kan / muß ſie nothge-
drungenlicher weiß / ſich mit noth
vñ angſt / oder groſſer gefahr des
Lebens tranſſal vmbgeben laſſen.

Vnordent-
liches
leben.

Faule
Waſſer
vñ böſes
Luſt.

Forcht
vnd ent-
setzen.

Ihre vil werden durch forcht ge-
stärkt / welche forcht auch sonst so
grosse impressiones gibt / daß si
ganz schwerlich zu Curiern / weiln
die starcke imagination, jr impres-
sion so hoch vnnnd tieff in des Men-
schen Leib immittiert vnd einsenck-
et daß sie nicht mehr zugewältigen
dern alle andere humores, so vonn
den apprehensionibus externis
nicht wenig regist werden / secun-
diern vnd nachuolgē / als geschiehe
in den Muttermälern / so per purā
imaginationem jren typum dem
Kinde inn Mutter Leib imprimi-
ren.

Mangel
d' Warth.

Es ist auch die grosse ursach
daß so vil sterben / der mangel der
warth / dann wo schon die Natur
ihre extrema bey jungen Leuthen
tentiert vnnnd allerley vias affe-
ctirt sich des giftigen obligens zus
endtladen / vnnnd da sie schon alle
expulsiones tentiert vñ fürnimt /

so

so dann auch gelücken/so ist hernach
jedoch kein nachtruck da/ der Natur
newere krafft/durch Speiß/Tranck/
od' Arzneyen widerumb beyzusehen/
damit sie auff ferzern angriff sich
widerumb wöhren mögen. Vnd
weiln die recidiuæ allezeit für ge-
fährlicher gehalten werden/ als der
morbus primarius selbst/ist wol
zuermessen/daß die zuuor abgemat-
tete Natur einem neuen/ grossen/
gefährlichen zuestande/ nicht möge
widerstreben. Ist derowegen auch
in conualescentibus dises vnges-
mach/ dz so balde sie genesen vñ von
der Kranckheit auffstehn/ aber noch
nicht/ (ob defectum refectionis)
integro robori restituiert seyn/
daß sie alsbald widerumb niderfal-
len vnd zu grund gehn.

Recidium
periculi
plenæ

Es pflegen auch die Soldaten/ so
einer mit Tode abgeht sich irgend in
seine Kleider zubekleiden vnd darein
zuschließen/ ehe daß sie selbige recht

Infe-
ction auß
den Klei-
dern.

B 3 lüfftern/

lufftern / oder bey hellem offnem
 Feuer wol außbähen / alda fangen
 sie das Gift von fundt an / vnd be-
 kommet es also einer vonn dem an-
 dern.

Was nun die Curation diser be-
 schwärlichen ganz gefährlichen
 vnd dötlichen Erbsucht betriffe / ste-
 het selbige einig vnd allein in abtrei-
 bung des Giftes / bey welchem ader-
 lassen vnd Purgiren nichts vermind-
 gen / ja mehrtheils schedlich seyn /
 sondern allein inn Antidotis, so den
 Schweiß behendt treiben / dann diß
 ist der rechte processus mit disem
 morbo vmbzugehn / vnd kan solcher
 zu anfang offte mit geringen mittlen /
 vnd mit einem Schweiß oder zway
 gewältiget vnd vberwunden werde /
 also habe ich es neben meinen vil ge-
 liebten Herrn mitcollegis erfahren /
 der Edle Hochgelerte Herr Doctor
 Adamus Hebich Medicus zu Eych-
 stet schreibt mir diser Tagen mit di-
 sen

Wider
 Gift vñ
 Schwitz-
 arzneye.

sen worten. Lues ista exercitui
Bauarico quantumuis exitiosa,
curatu tamen forsan meo judi-
cio non ita difficilis existit, dum-
modò quis dextre aggrediatur.
Alexi pharmacis donec maligni-
tatis vis obtundatur agendum,
venæ sectio ferè omittenda.

Die Purgationes seyn allhie ganz
vntüchtig / dann sie das dohende
Gedult / noch mehr perturbirn,
vnd trüeb oder jästig machen / vnd
den Leib nur schwächen / dan kein
Gifte durch Purgiern leichtlich
mag außgetrieben werden / es sey dan
etwann eingenommen worden.

purgt r. n
vñ Ader
lassen v. n
ob selb
ges nage
möge

Die Aderlaß ist ganz schädlich/
besonders in den Pedecken / alda
sterben schier alle / welchen man
Blut laßet / ich habe die zeit meines
lebens nur einen gesehen / so bey le-
ben gebliben / deme man zur Ader ge-
lassen / da gar vil vnd mehr als vil
anderwerts daruon kommen vnd

Der
Schweiß
das für-
nehmste
mittel.

erlediget worden seyn. Keinen aber
habe ich / weiß auch keinen / so ohn-
schweizen genesen wäre / derowegen
ich daß das schweizen in diser Such-
für das fürnehmste Hauptstück hal-
te / an welchem die ganze Curatio
gelegen / vñnd ohne welches selbig
nicht kan vñ mag verrichtet werden.
Dann der schweiß ist ein vniuersalis
euacuatio totius corporis, so das
ganze geblüt reiniget / vñnd erluff-
tert / das Gifte von dem Centro
vñnd tieffe des Herzens ad Circum-
ferentiam oder eusserste Rändt des
Leibs herfür / vñnd hernach durch die
poros vñnd schweißlöcher gar her-
aus treibt.

Antidota
vñnd wis-
dergifte.

Diß muß aber durch widergifte
Antidota vñ Alexipharmaca ge-
schehen / welche dem Gifte vñnd feule
widerstreben / das Herz auch beyne-
bens kräftigen vñnd stärken / vñnd
demselben Schutz halten.

Vñnd

Under allen aber dergleichen
 Antidotis, deren gleichwol vil seyn/
 ist zu diser Kranckheit kein tau-
 genlichers als das Dialcordium.
 Fracastorij/ so jungen vnnd alten/
 Mann vnnd Weibspersonen ohne
 vnderschiedt gegeben werden mag/
 wo der Tyriack vnnd Mithria-
 dath nicht statt haben kan/ diser bes-
 sagten roten Giffelatwergen mag
 man nemen bey. 2. oder anderthal-
 ben quintlein/ solche inn Essig zer-
 treiben/ vnnd der Krancken Person
 von stundtan eingeben/ darauff zu-
 schwichē/ lige dan das Giffte gar in der
 tieffe/ so leichtlich zuerkennen/ wann
 der Krancke gar hart schnauffet/
 sehr kalt am angriff ist/ vnd der Puls
 contract/ schmal/ klein vnnd hinder-
 sich gezogen erscheint/ als dann mag
 man ein guten Messerspis vol The-
 riack darzu thun/ sonst ist der The-
 riack für sich selbst allein etwas zu-
 wenig / meine schwichtcränck/ so ich

Dialcor-
 diū oder
 rote giffe
 latwerg.

mit grossem nutzen alhie gebrauche
 vnd in dergleichen casibus vsurpir
 habe / seyn schier alle von der rothen
 Giffelawergen oder Diascordie
 gemache gewesen / ohngefährlich auf
 dise weisß R. Diascordij Fracasto
 rij drachmam vnam cum dimi
 diā, aut scrupulos quatuor, Spe
 cierū de Hiacynto scrupulū
 vnum, Cordialiū Alexandrinū
 Benedicti scrupulum dimidiū
 Syrupi de Limonibus, vnciam
 vnam, de Succo Acetosellæ, vnciam
 mediam, aceti Sambucini
 vnciam dimidiam, Aquæ Cardu
 Benedicti & Pimpinellæ singu
 lorum quantum satis, misce fiat
 Potio. Dis ist ein Schweißdruck
 vnd Herablung zumahl / daß man
 inn disen Kranckheiten sonderlich
 achtung geben solle / daß man den
 jenigen mittlen / so dz Giffe außtrei
 ben / allezeit andere sachen adiungi
 re vñ beyfere / so des Herzens kräfti
 gen

Schweiß
 druck.

en nicht allein steuren vñ vnderhal-
 en / sondern auch vermehren mö-
 gen. So das Giffte hart stecket / mag
 man nemen Diascordij oder Ro-
 hengiffelatwergen ein quintlein /
 Teriac so nicht gar alt / vnd des we-
 gen hiezig ist / sondern einen so erst 4.
 oder 5. biß in 6. Jahr alt ist / ein halb
 quintlein / oder an seiner statt Mich-
 ridat ein halb quintlein oder nur ein
 scrupel, Specierum Liberantis,
 ein scrupel, Pulueris Rubei Pan-
 nonici 15. grana, Kauten vñnd
 Holböressig jedes ein halb loch /
 Ringelblumen vñd Saurampfen
 Wasser / jedes so vil man bedarff / Zi-
 tron safft ein Vng / Syrupi de Suc-
 co Scordij ein halb Vng / dise stück
 miteinander zertribē / ein trānelein
 darauß gemacht / vñnd darauß ge-
 schwitzet. In den Apotecken hat man
 auch Schwitzwasser als ʒ. Aquæ
 Bardanæ compositæ 3ij. Stape-
 dianæ primæ drachmam vnam
 cum

Vnder-
 schiedli-
 che
 schwitz-
 dranc̃ so
 dz hertz
 beyne-
 bens ster-
 ken.

cum dimidiâ vel drachmas duas
 Suxi Limonûm crudi seu recen-
 ter expressi vnciam dimidiam,
 Specierum de Hiacyntho, scru-
 pulum vnû, Syrupide Ruboldeo
 vnciam vnâ, misce fiat Potio
 sudarifica, deren sachen seyn gar vil/
 ja die mänge / auff allerley weiß vñ
 form zu zurichten/ die Reiche können
 jederzeit ein granen oder etliche vom
 Bezoar darunder vermischen.

Labung
 nach dem
 schweis.

So nun der Patient geschwitzt
 het / muß man ihne mit warmlechte-
 ten od lawen Dächern wol abtruck-
 nen/ vnd ihme ein kühlende labung/
 oder stärkung / zu erquickung des
 Herzens eingeben / als irgend ein
 kräftigen Zuleb vonn Rosen oder
 Beyhelen gemacht / darein mag
 man zu mehrerer lieblichkeit ein dröpf-
 lein. 2. od 3. spiritus vitrioli rectifi-
 cati fallen lassen/es nur wol vnd den
 mit Wasser vñ gebäthem Brot an-
 gemachte Zuleb fallen lassen/vñ ver-
 mischen

nischē/vō solchē Zuleb mag man. dē
 Kranckē nach volbrachtem schweiß
 in guten Trunct geben/ vnnnd vber
 . stund hernach ein frefftig Süpp-
 ein/oder anderes bequemes Speiß-
 ein beybringen. Sonstē ist diß auch
 in fräfftige Labung. ℞. Vini Gra-
 matorum acidorum aut eius lo-
 co vini Ribiūm aut Berberorum
 uncias sex, Syrupi de Limonib.
 uncias quatuor, de Ruboldæo, v-
 nciā crispā aut de Cerasis acidis vel
 agrestā, singulorū vncias duas,
 de Nymphaea vnciā vnā, misce,
 von diser mixtur mag dem Krancken
 alle 2. stund ein löffel vol oder 3.
 eingegeben werden/ man mag ihme
 auch jemalē frische Limoni mit Zucker
 gemacht für die dörre deß Mündts
 eingeben/ oder selbige mit nachvol-
 gendem Puluer bestrewet ine genieß-
 en lassen. ℞. Specier: Cordial:
 temper: de Gemmis frig: singu-
 lorum drachmam vnā. Tabu-
 lati

lati manus Christi Perlat: vncial
 duas, misce fiat Puluis. Man ge-
 be ihm auch bisweilen ein Löffel vol
 oder 2. Perlenwasser zur labung ein.
 Nun aber ist zu mercken/ daß näm-
 lich das Gifte gar leichtlich wider-
 umb zu ruck geht vnd hinder sich hin-
 ein zum Herzen schleicht/ derowegen
 die Antidota vnnnd widergifte oder
 Schwikartzneyen vber 10. oder 12.
 stundt zu repetieren vnd zu widerho-
 len/ vnd diß zwar nicht nur einmahl
 sondern 2. 3. mahl oder öfter / da es
 die noth erfordert / aber allezeit mit
 thülung dß Herrn entzwischen zula-
 ben. Dise aber bißher erzehlte Arz-
 neyē seynd meisten theils für die Rei-
 chen/ vñ wo man gute Apodectē vor-
 der Hand hat. Es seynd aber darun-
 die arme/ ihrer Hülff in dem wenigste
 beraubt / dann ob sie schon etwas
 schlechtere medicamenta zugenies-
 sen haben / so seynd doch selbige nicht
 schlechter in d̄ würcfung sonder nur
 in

Schweis-
 tranck od̄
 Antidota
 zu wider-
 holen.

in pretio; den vnkosten betrifft vñ
an einer seinen Hunger besser löschē
und sättigen mit einem guten rogge
Brot als mit einer weissen Semel.

Derowegen dann/da ein Soldat
erfrancket/ mag man in einē Veld-
lager ein Schwiklatwergen pro
communi vsu vor der Handt ha-
ben/ als disse od dergleichen. R. Dia-
cordij Fracastorij vncias sex,
Theriace Andromachi nō valde
veteris, Mithridatij Damocratis
eiusdē ætatis singulor: vnciā di-
midiam, specierū Cordial: Alex:
Ben: Temperatarum, de Gem-
mis frigitar: singulorum drach-
mas duas, Liberantis, de Hiacy-
ncho, singulorum drachmas tres,
cum Syropo de Limonibus, fiat
electuarium cuius Posis sit ad
drachmas duas, cum aceto con-
uenienti vtpote Rutacco, sam-
bucino calendulato, Rosato,
Nucum vel Rubi Idæi. Noch ein
schlecht

Schlecht
tere Arz-
neyen für
den ge-
meinen
Mensch

Schwitz-
latwergē
vonn
schlechtē
Sachen.

ers ist dises / nembt Holder vnn
Krammetbör Sälzen / jedes gleich
vil vermischet seye bede vnder einan
der / vñ vñ jede vñ thut deß rothe
Puluers / so Puluis Rubeus Cæsaris
contra Pestem genandt wirdt
oder deß andern so man Pulueren
Griseum Cæs: heisset 2. quintlein
vermischen / oder etwas mehrs vor
diser Latwergen / gebe man einen
halben Welschen nuß groß ein / dar-
auff zu schwitzen / oder zertreibe man
eines Goldguldins schwer onge-
färlich im Essig / oder neme ein
quintlein von dem roten Kayserliche
Puluer in halb Essig vñnd Wasser
ein / darauff zu schwitzen / der Kautē /
Nuß / oder Holderblüe Essig seyn
zum nuschlichsten zum schwitzen / zu-
gleich wie der Rosen vñnd Holbör
Essig zum stärcken. Nach dem
Schweiß kombt erst die Hitz herfür /
so dann gut ist / vñnd erzeugen sich erst
die symptomata, als Breüne /
Dolle

Dashtz-
ige pesti-
lenzische

ucht / deliraciones vnnnd derglei-
 chen / dise kommen offte erst / wann
 das Gifft schon allbereit von dem
 Herzen getriben ist / das Hauptwehe
 miltet dise Salb gar wol / R. Vng.
 le Alabaastro vncias duas, Po-
 pulci, drachmas quinq; vel sex,
 Aceti Sambucini vnciam vnam,
 agitando permisceantur, den an-
 dern accidentibus zu wöhren/
 wirdt præsens Medicus gute für-
 sehung thū / sonderlich mit der bräun-
 ne / allda thun die Gurgelwasser vñ
 Essig vnd Wasser angemacht wol/
 Item Hauswurkensafft / oder das
 Wasser darvon / mit Salmiack dis-
 se Art / Item der geleuterte Salit-
 er offte eines auffgeheufften Fingers
 luts voll in Gerstenschleim eingese-
 den / vnnnd solle man dem Krancken
 offte frischen Butter auß kaltem
 Wasser in größe einer halben Ha-
 felnuß auff die Zungen geben / dar-
 mit

Fieber
 wird vñ
 Schweiß
 herfür ge-
 trieben.

Haupt-
 wehe dör-
 re der Zun-
 gen vnd
 Bräune.

mit er langsam darauff zergehen
 vnd die Zungen immerdar feuch
 bleibe man mag auch vnder solchen
 Butter ein wenig des besagten ge
 leuterten Salitters vermischen
 vnd also gebrauchen. Die Aderlä
 setze ich jedem inn sein Willfür / ich
 kan aber nicht sehen / wie selbige nüt
 lich könne administrirt werden / da
 nicht zuvor das Gift durch die An
 tidota gewältigt / dann also hab
 ich sie selbst sehen prosperiren / aber
 praemisso Alexipharmaco vel
 Antidoto, vnd ist dennoch scrupu
 losissime darmit zuhandlen. Die
 andere vnd mehr mittel allen zufäl
 len zuwehren / vnd wie mit diser
 Sucht zuhandlen seye / seyn in mei
 nem Büchlein de militari Medici
 na ad longum sincere beschriben /
 also das ich dieselbige diß mahl nicht
 waß zuverbessern. Gott der HErr
 gebe

Arztenbüchlein.

35

be Gnad/derselb mit vns/den 19
ouembr. 1620,

Raymundus Ninderer

der Arzney Doctor/
Fürstl: Durchl: in Bayern
Rath/ vnd Leib Medicus/
auch der Kays. Reichstatt
Augsburg bestelter Phyl-
lus.

E 2

Bech

Bermeldung
etlicher Puncten / so zu
mehrer Nachrichtung in G
ration diser schwebenden Such
dienlich seyn mögen.



Don der Diaësa
inn disem Consil
kein meldung gesch
hen / weiln selbige
meinem Büchlein
Militari Medicina beschriben. C
verstehet sich aber selbstn / daß s
chen Krancken kein Wein durcha
weder weisser noch rother / was N
men er haben mag / weder wen
noch vil solle zugelassen werden /
wol als alle hart gesalkene un
starckgewürzte sachen gänzlich
meyden seyn. Der Wein so in h
her diser Kranckheit als ein G

st/ der ist zu endt im abnehmen diser
Sucht die höchste Arzney/ man sol-
e ihne aber nicht geben/ es seye dann
die Hitz vergangen / alles Kopff-
wehe fürüber / vnnnd habe sich zuvor
die Zungen von der alten verbränd-
ten Haut abgelediget vnd geschölet/
vnd seye widerumb feucht worden/
vnd der Lust zum essen fange wider-
umb an sich zuerzaigen. Noch dan-
noch solle der Wein nicht gleich lau-
zer / sondern anfangs auff halben
theil mit Wasser vermischet getrun-
cken werden/ beynebens auffzumer-
cken/ ob er innerlich brenne / oder ob
er Durst vnd dröckne des Mundts
verursache / da selbiges verspüret
wurde/ muß man darmit innhalten/
vnd sich des Wassers von gebäthtem
Brot/ Gerstenwasser/ vnd aniderer
gesotter Wasser / so innrmeinem
Büchlein beschrieben.// bedienen.
Sonsten solle man. den Krancken
gnueg zu trincken geben / auch sie

bißweiln besonders wann sie doll im
Kopff/ vnd nicht recht bey ihnen
selbst seyn/ zum trincken ermahnen.
Theophrastus sagt/ sitiant & po-
tare nolunt. Man mag ihnen je-
derzeit ein wenig geläuterten Sa-
litter im trincken beybringen. Da
der Leib reuer. an stüelen schon nicht
täglich offen/ ist nicht vil daran ge-
legen/ dann es besser ist/ der Leib seye
hierin fest als durchfällig/ die durch-
brüch ziehen die Bedecken gern zu-
ruck vnd einwärts/ so schädlich/ ja
mehrertheils dötlich.

Die gemaine Clinici vnd
Krankenwarter obseruiren die Be-
decken nicht/ sie kommen jnen dann
völlig vnder das Gesicht/ da doch
offt etlich hundert tausent an einer
Person seyn/ so nicht als mit eussere-
stem fleiß deprehendir werden/ daß
sie oft tief in der Haut stecken/ vnd
so klein seyn als ein Nadelschich/ be-
sonders werden sie mit leichtlich er-
fandt

Landt/wann sie roth seyn/dann als
dann seyn sie der natürlichen Farb
des Leibs etwas ähnlicher/ da sie
aber braun/schwarz/blaw oder Le
berfarb seyn/seyn sie leichtlicher zu
erkennen.

Die Arzneyen darein vil Cam
pher kompt/ob schon selbiger in diser
Krankheit ein fürnemme Arzney
ist/seyn in Hauptkrankheiten zu
vermeiden/oder mit bescheidenheit
zugebrauchen/weiln der Campher
dem Haupt etwas beschwerlich.

Die reiche Leut mögen ein wes
nig von Electuario Alchermes in
ihre Schwitz vnd Herkräncklein
vermischen/dann dises Electuari
um wegen der Ambra so darinnen
ist/die giftige Dämpff vnd faulen
gestank gang wol von dem Herzen
jage.

Der rote Corallische Vitriol
Rosenzucker/so er mit Wasser von
gebäthem Brot vermischet wurde/

gibt ein lieblich kühlende Herktranc/
 oder gebeman dem Krancken einer
 Welschen Nuß groß daruon zu es-
 sen/so löschet er wegen seiner säwre
 den Durst/ vnnnd stercket das Herk/
 vnd diß vmb so vil desto mehr/so m̃
 ein wenig Alchermes darüder ver-
 mischet. Dise Conserua Rosarum
 vitriolata ist aber mit fleiß von ei-
 nem fertigen Apoteker zuprepari-
 ren mit dem spiritu Boli rectific-
 to, nicht mit dem Oleo, so die Zähn
 rauch macht.

Der Thiriack von mittlen Jas-
 ren ist an disen Orten/ wo er jährlich
 preparirt wirdt/ gar wol zubekom-
 men/ allda man einem solchen drey/
 vier/ fünff/oder mehrjährig/de Año
 als er beraitet worden geben kan.
 Der gar newe ist nit zugebrauchen/
 biß er sein Alter erraicht/ der alte a-
 ber ist etwas zuhißig/ darumben wir
 Thiriacam mediæ ætatis nennen.
 Zu Augspurg wirdt der Thiriack
 jähr-

jährlich in magna quātitate præ-
parirt, allda kan man ihne jung o-
der alt bekommen / so wol auch der
Mithridath / darff auch kein Vene-
discher Thiriack / als mit deme gros-
ser Betrug vnderlauffe / vnd depre-
hendirt worden / verkauffte werden /
wie er dann zu Leipzig vnnnd andern
Handelstätten dem Augspurgischen
cedirn vnd weichen muß / auch auff
selbigen Messen vnd Märckten kei-
nen dergleichen vertrib vnd abgang
hat.

In diser Sucht / wie oft ge-
melt / ist die rothe Giffelartwergen
maister / vnd dörffen selbige auch die
schwangere Frawen vnd Kinder in
ihrer proportionirten Posi gebrau-
chen / weils ihnen andere sachen ver-
dencklich. So kan auch selbige der
gemaine Soldat / weils sie nit theur
ist / wol bezahlen / möchte ein Posi
irgendt auff acht Kreutzer sich be-
lauffen. Man solte im Leger meines

E 5

cracke

erachtens ein gemaine Schwißlaß
 wergen haben / darmit man nit erst
 vil umblauffen müste / andere stück so
 darzu gehörig / zusamen zutragen /
 vnnnd inmittels die zeit zuverzehren.
 Dergleichen seyn drey schlechte zu
 endt des Consilij beschriben. Gott
 der Allmächtige gebe zu allem sein
 Gnad / derselb mit vns / den 20. No-
 uembris. 1620.

Raymundus Minderer

der Arzney Doctor /
 Fürstl: Durchl: in Bayern
 Rath / vnnnd Leib Medicus /
 auch der Kers. Reichstat
 Augspurg besteller Phyl-
 cu.

Ende dises Büchleins.













